



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

caput XX.

**urn:nbn:de:hbz:466:1-29452**

dicit ad Galat. 3. Omnes vos vnum estis per fidem in Christum. Non etiam vult Deus non imputare peccatum, si quis solùm velit se commitere suæ misericordiæ, seclusa fide in Christum. Sic aliqui volebant dicere ex verbis prophetæ Psal. 31. Beatus vir cui non imputauit Dominus peccatum, &c. nam sic gratis venisset & laborasset Christus, Galat. 2. Non ergò vult Deus secludi Christum, immò quòd non imputat peccatum, ex misericordia propter Christum, est propter solam fidem in Christum, & ob nullam aliam fidem. Ideò ubique Apostoli adiungunt in negotio fidei & salutis Iesum Christum, propter illum nobis offertur Euangelium & salus, & nobis denunciatur eius verbum, quod si quis acceptauerit, certus erit de salute.

## CAP. XX

## ARGUMENTA.

1. *Quām habeat homo liberam voluntatem naturaliter.*
2. *Quae sit spiritualis libertas sanctificati hominis.*
3. *Quomodo voluntas nostra est causa contingenterum.*

**D**OMO primus fuit creatus cum originali iustitia, homo rectus, & non corruptæ naturæ, quia originali iustitia potuisset Deo verè obediisse, timuisse & dilexisse, & sine peccato fuisse. Sed peccans ex persuasione serpentis Genes. 3. perdidit illam iustitiam originalē, & natura ipsa infecta est atq; vitiata, ita ut nunc homo post peccatum ex sua natura & voluntate non possit Deū verè diligere, timere, aut illi credere, nec quippiā boni cogitare, multò mi-

1.

nus fa-

nūs facere, 2 Corin. 3. Nisi adiutorio alieno, scilicet Spiritu sancti, excitetur adiuuerurq; & hoc maximè in his rebus atq; virtutibus Deum referentibus. Man sit tamen & manet in homine post peccatum, & nondūm sanctificato naturalis quædam libertas aut liberum arbitrium, quam naturæ conditor cōtulit, & naturā sic ornauit, sicut adest magnitudo donorum in summis ingenijs, scientiā in Aristotele, in Scipione magnitudo animi &c. & talia sunt peculiaria dona & opera Dei, sicut oculi, aures, &c. Quibus Deus naturam ornauit, & hæc non priuauit peccatum. Ea igitur naturali libertate potest homo efficere & facere ea, quæ rationi nostræ subiecta sunt, vel huc vel illic ire, hoc genus cibi aut vestimenti eligere, dormire, sedere, &c. Sic libertatem caræalis atque ciuilis iustitiae efficiendæ, id est, seruare leges imperiales ac superiorum. Item etiam seruare legem quoad factum, scilicet continere manus à surto, homicidio, adulterio &c. Sic loqui, tacere, colere, argumētari &c. summa, quæ naturali rationi sunt subiecta, ibi post peccatum manet voluntati naturalis libertas. Exigit quoquæ Deus externa illa atque honesta opera rationi subiecta, etiam in impijs propter tranquillitatem hominum, & egregijs præmijs adornat hanc carnis iustitiam. Sic præmiata est humanitas Obstetricum Aegypti, Exod. 1. Eti justitia quam fecit, atq; servitium Nabuchodonosor, Ezech. 29. Punit quoquæ Deus grauissimis pœnis corporalibus violatores legis externe, sicut docet repentina submissio Pharaonis, propter interfectos masculos in Aegypto, Exod. 14. Sic multorum Tyrannorum punitiones etiam apud infideles. In impijs & nondūm sanctificatis benefacta corporaliter præmiantur, & malefacta puniuntur. Habet igitur homo naturalem illam voluntatis libertatem, quo iustitiam carnis potest efficere, sicut dicit Apostolus Rom. 2. Cum gentes legem non habe-

haberent &c. Habet quoquè illam libertatem in extenis actibus.

2.

Spiritualis libertas, quæ sic dicitur, quia de internis motibus cordis est, non solum de externis actibus, est, quando voluntas adiuuatur per gratiam & adiutorium Spiritus sancti, ut possit in bonum internum consentire, scilicet verè corde diligere, timere Deum, & ipsi fidere: habere mansuetudinem, misericordiam erga proximum, atque alios fructus Spiritus sancti, Galat. 5. Nam sine tali adiutorio & gratia non potest voluntas naturali sua libertate habere vel efficere i. Cor. 2. Animalis homo non percipit ea quæ sunt Spiritus Dei, id est, naturalis homo non potest ex sua natura efficere fructus Spiritus sancti: Nam peccatum hæret in natura, quod facit, ne integrum obedientiam præstemus Legi Dei, ex toto corde diligendo & fidendo. Et quoniam humana voluntas per se ex natura sua non potest tollere hanc corruptionem naturæ, sicuti nec mortem, quæ est propriissimus effectus istius corruptionis, Róm. 6. Stipendium peccati mors: Ideo quando negatur aut extenuatur libertas vel liberum arbitrium, respicitur ad illos externos motus, & non ad exteriora facta, eò quod sine spiritu sancto non potest efficere spirituales effectus, quos Deus requirit, scilicet verum timorem, veram fiduciam misericordiæ Dei, obedientiam, tolerantiam afflictionum, dilectionem Dei, & similes motus: & sic, quoad illos motus, dicitur, quia homo non habet liberum arbitrium: nam tales in natura corrupta non sunt. Nec homo ex se efficere potest sua naturali libertate, oportet igitur ut donentur à Spiritu sancto tales motus interiores, qui postquam consentiunt legi & actibus exterioribus, opus placet & integrum est. Insuper voluntas renouata Spiritu sancto, non est penitus ociosa & sine actione sed adiuuatur, ut verius fiat libera, & aliquid potest in extenis

in externis lapsibus cauedis, & faciendas prijs actionibus. Nam Spiritus sanctus non permittitur nec datur ociosis. Iuuat ergo Spiritus sanctus nostram voluntatem in pia actione. Quarè falsum est deliramentum Machinaeorum, qui nullam actionem tribuebant voluntati, ne adiuuante quidem Spiritu sancto, quasi nihil interesset inter statuam & voluntatem. Et quoniam voluntas nostra adiuuatur Spiritu sancto, & cum ipso agit, ut 1. Corin. 15. Non ego, sed gratia Dei mecum igitur & præmium est operi ex gratia & misericordia propter Christum, licet Gratia sit potissima actio voluntatum reliquarum.

Ipsa quoque naturalis libertas voluntatis, etiam post peccatum est causa contingentie nostrarum actionum. Contingens enim est illud, quod, priusquam esset, produci potuit, & non produci, accidens fieri, vel non accidens fieri, sicut cras aliquem lecturum, vel non lecturum. Et quoniam voluntas retinet illam libertatem ad ea que sunt subiecta rationi, ad ciuilem iustitiam exigendam, ob id est causa contingentie nostrarum actionum.

Deus enim tametsi prauidet, qui omnia nouit certitudinaliter, apud quem est praeteritum, presentes, & futurum tempus idem, quia eternus. Iacobus. Apud quem non est transmutatio: non tamen tollit modum agendi in dictu naturae, neque priuat voluntate naturali libertate sua, qua in creatione eam donauit. Determinat tamen Deus actiones sicut fiunt, permittit ut voluntas Saulis sic agat, & non impellit ut secundus agat, sed decernit ubi Saulem repressurus sit, si secundus egerit. Deus tamen non cogit voluntatem. Omnia quoque necessaria fieri intelliguntur de rebus, actionibus, & gubernationibus diuinis, que non sunt subiecta rationi humanae: illa enim fiunt, sicut a Deo ordinantur, mouentur & disponuntur. Act. 17. In Deo viuimus, mouemur, & sumus, &c. Pluere, mori, &c. & id genus reliqua actiones, non sunt in nostra potestate.

Cap.